

廣陵覽古卷四

江都顧鑾謝唵氏述

雲山

在寶應縣西南一百二十里侯村鄉高十八丈長二里上有白龍潭水四時不竭潭後有白龍廟廟西有仙人寺仙人洞長十二丈廣八丈有門可容人行山下雲起卽雨澤滂沛故名雲山

白田舖

古鎮在城南十里

廣陵覽古卷四

一

唐李白白田馬上聞鶯詩黃鸝啄紫葢五月鳴桑枝我行不計日誤作陽春時蠶老客未歸白田已縲絲驅馬又前去捫心空自悲

汜光湖

在縣西南十五里

宋楊萬里詩雨裏樓船卽釣磯碧雲便是綠蓑衣滄波萬頃平如鏡一隻鷗鷺貼水飛 天上雲烟壓水來湖中波浪打雲回中間不是平林樹水色天容拆不開

精湖

在縣南六十里水通運河及汜光湖

鑾按三國魏志黃初六年魏主自廣陵還至精湖水涸船滯卽此地

射陽湖

在縣東六十里湖東屬鹽城西至固晉屬山陽東至上射陽屬寶應唐大歷三年與洪澤並置官屯後以所收歲減並廢

宋范仲淹詩渺渺指平湖烟波入望初縱橫皆釣者何處得嘉魚 元薩天錫詩飄蕭樹梢風淅瀝湖上雨不見打

廣陵覽古卷四

二

魚人菰蒲雁相語 霜落大湖淺漁家懸破罾此時生計別小艇買秋菱

鑾按元和郡縣補志引太平御覽百六十九云廣陵王胥有過其相勝之奏奪其射陂草田賦與貧人張晏曰射水之陂在射陽縣卽此

白水塘

在縣西八十五里一名白水陂

鑾按三國魏志鄧艾鑿塘屯田積穀以制吳人曾漑田一萬二千頃宋元嘉中決塘水灌魏軍南唐時大興屯田楚

州刺史田敬屢請修塘不果宋嘉定六年朝議欲復濬治
下本州相度事未及行後遂淤淺

黃浦堰

自黃浦至界首長八十里卽李吉甫所築平津堰相傳吳
王濬置以捍鹽通商今廢

嘉定橋

舊名孝仙橋在縣東跨市河唐尉遲恭建宋嘉定間改今
名

廣惠橋

在儒學東跨市河唐尉遲恭建

廣陵覽古卷四

三

瑞芝橋

在東門內宋元豐三年建時產芝五莖因名

石鼈城

在縣西八十里

鑾

按方輿紀要云魏鄧艾築以營田晉永和中荀羨鎮淮

陰屯田於石鼈北齊乾明初蘇珍芝議修石鼈等屯歲收
數十萬石淮南軍防足食後周置石鼈縣隋初廢入安宜
安宜寶應故名又太平寰宇記邑有石鼈山產石鼈因名

金牛城

在縣東南十五里孝義鄉宋熙寧間王將軍築

鑾按城冢記云此城土色正黃形似牛故名

韓王城

在縣東南四十里射陽陂陰相傳宋紹興中韓世忠鎮淮陰時築

八寶亭

在縣西南唐上元中尼真如於縣地獲寶以獻肅宗爲之改元後人因侈其事以名亭

廣陵覽古卷四

四

鑾按唐刺史鄭輅寶應錄云肅宗上元三年楚州刺史崔侁表安宜縣尼真如以天賜寶玉十三枚獻詔改安宜縣爲寶應縣

雙烈士祠

在縣城西祀漢東郡太守臧洪東郡丞陳容

齊興寺

在磨旗墩南唐保泰間建宋乾德中賜額梁武帝曾讀書於此

靈芝寺

在孝義鄉宋紹定間因產芝建寺

龍竿院

在射陽鎮唐大歷間建初名文殊院院有竹成龍形遂易名或作龍竿寺

甫里院

在侯村鄉唐天祐間建屹立湖中望之如孤嶼相傳水溢則浮

蜺虬院

在永寧鄉唐太和間建有塔高二丈

廣陵覽古卷四

五

漢袁術墓

在縣治南三百步墓門舊有碑鐫漢時衣冠人物甚工今不存

魏司空軍諮祭酒陳琳墓

在縣東六十里射陽村

唐溫庭筠過陳琳墓詩曾於青史見遺文今日飄零過古墳詞客有靈應識我霸才無主始憐君石麟埋沒藏秋草銅雀荒涼鎖暮雲莫怪臨風倍惆悵欲將書劍學從軍

以上寶應縣

泰山

在泰州治西城內宋紹興十年開東西市河壘土而成因以州爲名登山四望距城百里舉在目前京口諸峯隱約可見寶慶二年州牧陳垓浚山下湖礫爲往來泊舟之次祀胡瑗於山左明萬歷中兵備舒大猷建岳武穆廟於山巔以飛嘗知泰州欲特祀焉

天目山

在州治東四十五里寰宇記作六十里高二丈三尺周二百三十步有雙井如目相對因名舊傳東晉道士王冶嘗

廣陵覽古卷四

六

隱此山昇舉時藏靈寶五符杖履水襪隱形帽於井封鐫甚密宋元豐二年發運使蔣之奇致禮請禱開右井得鹿角數十丈又獲金龍七玉璧三十六有仙翁手植披頭皂莢合抱匠者睨視則山怒木嘯

變

按明胡紡天目山記又謂仙翁居山日有五色鹿產女於山左草莽中聞啼聲往視之見鹿乳焉因挈之菴鹿日凡三至女七歲造鹿女臺居之仙翁飛昇後女欲南渡邑人餞之橫浦云後百年復來履江水而去景雲二年十一月山忽鳴吼聲聞遠邇乃敕遣天台女道士王妙行行名

山大川洞天福地投金龍玉璧王妙行卽鹿女計百年矣
又唐永徽中有道士楊文稜預言逝期又有王元真絕粒
五十年至八十四逝就窆空棺隻履皆在天宇七年賜額
興安觀元豐二年蔣之奇開右井得鹿角等物與通判何
琬等重治堂廡百餘間具以聞賜額集真觀宣和七年邑
民顧仲文治殿基得丹壚鼎著其土**赭**赤服之愈疾

羅浮山

在州治西北五里高一丈周一里七十八步在藪澤中洪
水不能漫遙望如羅浮故名

廣陵覽古卷四

七

鳳山

在海安鎮高三丈周百步山前谿路環繞傍山爲橋有鳳
形焉故名

駱駝嶺

在州治西南登仙橋平地隆起如駱駝形建千戶所於上
海安鎮

在城東百二十里南北朝戍守處也陳大建五年師克齊
海安城唐景龍二年置海安縣開元十年省入海陵明初
徐達攻江北駐軍海安尋進圍泰州使孫興祖畱鎮於此

以斷賊援軍相傳常遇春於此築城嘉靖時倭亂巡撫唐順之亦於此築土城今皆圯

港口鎮

在城北十八里

宋文天祥詩王陽眞畏道季路漸知津山鳥喚醒客海風吹黑人乾坤萬里夢烟雨一年春起看扶桑曉紅黃六六鱗

雞雀湖

在州東北五十里昔多雞雀飛集因名

廣陵覽古卷四

八

包家湖

一名包老湖在州東北四十里清而無滓雖與他水會而澄澈不雜挈壺氏常以此水供滴漏焉

小西湖

在州治泰山下宋紹定二年州牧陳垓重濬周一百八十七丈爲長堤植芙蓉桃李彷彿如西湖云

太子港

在州西南登仙橋古市河之西梁大同間昭明太子同邵陵王綸由此港往天目山宋嘉泰間州牧陳茂英重濬今

淤塞

藕花洲

在州治圃內宅堂之旁舊爲水村茅茨十間環水植蓮宋
紹興十年州牧王喚建嘉泰三年牧陳茂英撤而新之爲
屋三間跨小橋以渡寶慶間牧陳垓重修

唐灣

在州東三十里宋文天祥早發泰州詩驚傳趕馬在唐灣
卽此地

蝦子灣

廣陵覽古卷四

九

今莫詳其處

宋文天祥過泰州蝦子灣詩飄篷一夜落天涯潮濺清沙
日未斜好事官人無勾當呼童上岸買青蝦

賣魚灣

亦莫詳其地

宋文天祥賣魚灣詩風起千灣浪潮生萬頃沙春紅堆蟹
子晚白結鹽花故國何時信扁舟到處家狼山青兩點極
目是天涯

太保潭

在州治西北隅廣袤數頃大旱不涸南唐保大中刺史郭載鑿以禦北兵太保其簡校官也

伏龍橋

在州西南舊傳宋太祖從周世宗兵至泰州避難橋下及太祖受禪遂名今僅存片石

宋方岳詩十勝街前事君王勇未消空餘一片石猶記伏

龍橋

金蘭橋

在太子港相傳梁昭明太子同邵陵王綸建

廣陵覽古卷四

十

二小橋

在州堂後藕花洲中

宋曾致堯詩最愛碧池好平橋西與東烟中兩飛鵠波上

二長虹偃蹇形相照浸淫路盡通晚來吟詠處徧歷思無

窮

壘湯橋

在州東三里相傳宋太祖兵至泰州民有獻壘湯者啜而

甘之遂名

七星井

井有七布列如斗形一州治東二里東禪寺前一州治西門內一州治東門內萬壽宮側一州治西市河之側一州治北歌舞巷內一州治北三里北山寺內卽卓錫泉一州治北五里祐聖觀中

鏡香井

在州儒學學正廳東宋井也湮廢已久正德間學正陳琦重濬得舊井欄上有文曲井三字

王仙翁井

在天目山解見前

廣陵覽古卷四

十一

卓錫泉

在州北開化院中卽今北山寺此七星井之一也

鑿

按唐寶歷間王屋禪師自蜀來駐錫開化寺臨化思飲

蜀水令徒以錫杖卓後園中須臾泉水遂溢或云此泉與揚之蜀岡通

望京樓

在郡圃內宋咸平中州牧曾致堯建

曾致堯詩望京樓上望望久思躊躇境土連江徼人家匝海隅隈山川隱映負郭水縈紆雨過風生檻潮來岸浸蘆

雲昏迷候館樹闕辨溪湖烟暝藏汀鷺雲繁失廟烏浦遙
帆片小村迴笛聲孤輾轉觀風部徘徊想世途身爲州郡
主心在帝王都際會逢堯歷歡榮荷禹謨便當思慄慄敢
不盡區區冉冉年華至悠悠夕照徂常時思玉闕每夜夢
金鑪幾坐晚衙去重簷罷倚扶

清風樓

在舊治內一名清風閣一名清風堂方輿勝覽云自五代
時壘石爲山翼以兩徑爲登陟之所中爲滑石峻臺樓峙
臺上

廣陵覽古卷四

十二

宋曾致堯詩樓號清風頗覺清玉壺冰室漫傳名並無塵
土當軒起只有松蘿繞檻生秋似玉霜凝戶牖夜宜素月
照檐楹我來滌慮搜吟坐惟恐矻矻暮鼓聲

景范樓

在迎恩門內范仲淹舊行衙也

起雲樓

在泰山上

鑾

按名勝志云宋州牧陳垓取杜詩西嶽雲峯起之句建
樓高四丈俯瞰方洲遠睇金焦爲淮南巨觀

望海樓

在城東南隅創於宋初廢於元兵火之後明嘉靖間州牧
鮑龍重建

芙蓉閣

在舊治內藕花洲上

宋曾致堯詩夏日芙蓉閣閣前何最殊參差紅菡萏迤邐
綠菰蒲浮藻青粘柱澄瀾碧照櫺木陰棲獨鶴波影浴雙
鳧烟動烹茶竈香微養藥爐靜疑江寺小幽笑石屏孤沙
鷺窺吟榻風蟬入座隅重簷常礙斗疊砌每生蘆炎暑微
涼有塵埃定寂無傍軒黃蛺蝶縈隙白蜘蛛豈必居三峽
全勝汎五湖立寧憂岸峻宿不怕灣紆自愛資詩景雄憐
欲畫圖窗間雲縷細枕底浪聲麤戍客心如火行人汗似
珠此中涼冷興那得暫如吾

鹿女臺

王仙翁事見前天目山

鳳凰臺

在寧海門外背水朝陽有迴翔之勢相傳昔有鳳凰集其
上

浮香亭

在舊治內藕花洲上其額乃宋茂陵御書舊有小亭刻秦
觀古梅詩壁間紹定初州牧陳垓撤舊亭大書宸扁其上
刻秦觀蘇軾蘇轍參寥詩於石

秦觀詩云海陵參軍不枯槁醉意梅花愁絕倒爲憐一樹
傍寒溪水水多情自相惱情淚斑斑知有恨恨春相逢苦
不早甘心結子待君來洗雨梳風爲誰好誰云廣平心似
鐵不惜珠璣恣揮掃月沒參橫畫角哀暗香消盡令人老
天分四時不相貸孤芳轉盼同衰草要須健步遠移歸亂

廣陵覽古卷四

十四

插繁華向晴昊 參寥和太虛詩朔風蕭蕭方振槁雲壓
茅齋欲欹倒門前誰送一枝梅問訊山僧少病惱強將筆
力爲摹寫麗句已輸何遜早碧桃丹杏空自妍嚼蕊嗅香
無比好先生攜酒傍玉叢醉裏雄詞驚電掃東溪不見謫
仙人江路還逢少陵老我雖不飲爲詩牽不惜山衣同藉
草要須陶令插花歸醉臥春風軼軒昊 蘇軾和詩西湖
處士骨應槁只有此時君壓倒東坡先生心已灰爲愛君
詩被花惱多情立馬待黃昏殘雪消遲月出早江頭千樹
春欲暗竹外一枝斜更好孤山山下醉眠處點綴裙腰紛

不掃萬里春隨逐客來十年花送佳人老去年花開我已
病今年花開還草草不知風雨捲春歸收拾餘香還冥昊
蘇轍和詩老夫毛骨日凋槁愁見米鹽惟醉倒忽傳騷
客賦寒梅感物傷春同懊惱江邊不識北風勁牆角知有
南枝早未開素質夜光明半落清香春更好隣家小婦學
閒媚靚妝惟有蛾眉掃孤芳已與飛霰競結子仍先百花
老相遭橫笛亂飛英不見幽人醉芳草可憐物性空自知
羞作繁華助穹昊

須友亭

廣陵覽古卷四

十五

在舊治內與浮香亭對宋州牧陳垓種竹爲屋額曰須友
以竹必友梅亦茂陵御書也

香岳亭

在舊運司治內宋紹聖間茶鹽使徐正卿壘石爲山構亭
曰香岳治內又有君子愛山星槎問津四亭

積翠亭

在舊治內

宋曾致堯詩高高積翠亭積翠不虛名路小莓苔合墻低
薜荔生當軒攢竹柏繞檻列杉檉公退時來此吟情轉覺

清

歸鶴亭

在州東七里響林昇真觀內徐神翁瘞劍之所宋州牧陳
垓建歲二月勸耕延父老勞以酒果或引客觴詠竟日
陳垓詩出城七里近綠樹蒼平野非谷響答鍾非波勢奔
馬固應地理家著阡藝松檟獨疑冲和翁生死皆幻假孰
云骨可蛻正爾亦土苴更憐兩翁仲爲客護瀟灑柏陰供
鮮鞍竹色入浮筇此翁言可人萬事帚一把壁門六尺影
月夜豈自寫向來華表鶴千載有歸者喚翁願一醉矮榼

廣陵覽古卷四

十六

共傾瀉

玩芳亭

在州城西

鑾按宋劉攽玩芳亭記云楚辭曰惜吾不及古之人兮吾
誰與玩此芳草自詩人比興皆以芳草嘉卉爲君子美德
無與玩者猶易井渫不食云爾海陵郡城西偏多喬木大
者六七尋雜花桃李山櫻丁香椒棣數十種萱菊薜荔莎
蘆芭蕉叢植櫓生負城地尤良朱氏居之益種修竹梅杏
山茶橙梨異芳奇卉往往而在清池縈回多菱蓮蘋藻於

是築室城隅下臨衆卉名曰玩芳云云蓋建者州人朱氏
惜其名不傳

海春館

在迎恩門外以范仲淹海角亦逢春之句而名

文會堂

在舊治內宋天聖間滕宗諒爲郡從事時建與范仲淹富
弼胡瑗周春卿唱和其中

范仲淹詩東南滄海郡幕府清風堂詩書對周孔琴瑟視
羲皇君子不獨樂我朋來遠方芝蘭一相接豈徒十步香

廣陵覽古卷四

十七

德星相聚會千載有餘光道味清可挹文思高若翔笙磬
相同聲精色俱激揚栽培盡桃李棲止俱鸞鳳琢玉作鎮
圭鑄金爲干將猗哉滕子京此意久而芳

三至堂

在舊治內宋紹聖間曾肇建

鑾按肇祖致堯牧泰父易占令如臯並肇三世官海陵故
名

觀衍堂

在舊運司治內取左思吳都賦觀海陵之倉紅粟流衍句

爲名

淮東道院

在舊治大廳東宋左丞陸佃爲州牧謝表有云過客甚稀至有道院之號嘉定間李珙加以淮東二字寶慶中陳垓增修

夏侯乙宅

唐元和末海陵夏侯乙宅生百合花大於常品數倍因發其下得甃匣十三重各匣一鏡其第七者光不蝕照日中光環一丈

廣陵覽古卷四

十八

南園

在州治南宋許子春建歐陽修爲許氏南園記

西園

在州治西一名方洲宋嘉定十年州牧李駿建因名李公園凡百畝堂亭十五曰水雲鄉曰醒翁堂曰小有洞天曰六宜曰知魚曰盟鷗曰公來遊曰一春佳趣曰瓢庵曰七一泉曰蒼蘆林此嘉定間初創也曰青龍莊曰純節曰釣臺曰方洲外圃圃闢四亭乃寶慶三年後牧陳垓繕葺所增

山陰一曲

在舊運司治內宋嘉定間茶鹽使徐正卿壘石爲山號曰香巖中爲曲水環以修竹與客觴咏其間有山陰曲水之勝

湧金禪院

在州治西南相傳因掘地得金故名

仙源萬壽宮

在州治東南本樂真觀梁大同間以樂子長故宅爲觀在樂真橋唐大中間移建茲地宋大中祥符間天書降詔建

天慶觀遂以樂真觀爲之崇寧中虛靜冲和先生徐守信赴闕有詔展修規屋至五百區大觀間賜仙源萬壽宮名建炎間遭兵燹後內侍李需重建於城東鍤土作基而泥沙不堅禱於虛靜像前其董役者夢神翁語以東南有隙地十畝可取土因更取是土深至及泉而功未竣方以爲憂忽有父老曰第休役三日自可濟如其言土果復滿工畢猶餘阜焉

大隱觀

在州之譙樓西宋建炎間海陵仙人高先生捨宅爲庵名

曰大隱後修真得道遂稱大隱觀後世又稱海仙觀

新城祐聖觀

在州治北一名新城觀舊有洗馬亭養龜池

宋方岳遊新城祐聖觀詩出郊便覺絕喧闐節物驚心歲
序遷圩岸有田多種秫野塘無處不生蓮白蘋洲畔回寒
雁青草湖頭臥釣船倒指重陽無幾日登高仍上碧山巔
劉萬春次韻詩當年歌管此轟闐豈料滄桑有變遷翠
縷尚牽橋畔柳紅衣已落渡頭蓮田疇處處皆儲水村市
家家可放船不向元都窮勝賢更於何地覓山巔

廣陵覽古卷四

二十

南唐小兒家

在州治東有數十邱南唐李昇遷楊行密子孫於海陵嗣
用宋齊邱謀無男女少長皆殺之葬此人皆呼爲小兒冢
後齊邱一小兒病有作詩書紙鳶上放入其第者詩云化
家爲國實良圖總是先生畫計謨一箇小兒拋不得讓皇
當日合何如

周處士墓

處士名恪歿葬徐仙翁墓西與唐道人同城人號曰三仙
墓

以上泰州

茅山

舊在州治東北六十里高二丈四尺周二百五十一步嘗
產香茅二丈有五尺因名阮勝之記云招遠東南六十里
有茅山俗名避災地今在縣治

中洲山

在東臺縣治西溪鎮之北

鑾按名勝志云宋范仲淹監鹽倉時壘土爲山東望滄流
西望沃壤竹木森翳形勝萃焉

廣陵覽古卷四

二十一

虎墩

在小海場宋范仲淹築捍海堤起虎墩卽此地

西溪鎮

在縣治一名晏溪宋晏殊嘗監西溪鹽倉也呂夷簡范仲
淹後亦官此相傳仲淹居政府時有詩云參知兩丞相曾
在此中來蓋謂夷簡與已也

忠義河

在縣治隋將賀若弼捕海寇有功立廟河側故名

角斜河

在縣治通角斜場

辭郎河

在西溪鎮相傳天女與董永相別處

玉帶河

在縣治小海場北草偃場南以玉帶名者取其紆迴曲折
環抱縈旋

西溪

在縣治有西溪鎮晏殊嘗官於此又名晏溪

宋范仲淹西溪牡丹詩陽和不擇地海角亦逢春憶得上

廣陵覽古卷四

二十二

林色相看如故人

佛兒溝

在西溪鎮本唐時輝端寺後廢爲溝溝中屢獲銅佛故名

葦灣

在西溪鎮聖果院基址猶存

鳳凰池

在西溪鎮

溪光池

在西溪鎮廣福寺東

小海池

在西溪鎮未築捍海堰之前直逼海岸泛海者多聚此

鳳昇橋

在西溪鎮相傳天女與董永相別乘鳳而去故名

義鄉橋

在西溪鎮亦因董永孝義而名

鮮魚橋

在西溪鎮卽廣濟橋俗名八字橋

十軒井

廣陵覽古卷四

二十三

在西溪鎮東廣福寺一也海春軒寺二也潛軒院三也清軒寺四也靜軒寺五也寶相寺六也定軒寺七也溪光寺八也秀軒寺九也悟空寺十也

縑絲井

在西溪鎮廣福院相傳卽漢時曹長者故宅仙女偕董永往慵時縑絲處也井口小而下實宏深水味甘冽每旱諸井水涸此獨如故蠶熟時井上生草根長丈餘如絲

鳳昇井

俗名雙井在西溪鎮南倉橋東西兩岸相向

鑾按府志云仙女與董永相別過此地以二釵插於舊地之東西以示不重會之意後人於插釵處鑿二井迨開市河後兩井遂隔河矣

南風亭

在西溪鎮宋天禧間知軍事晏殊建

思賢亭

在西溪鎮東寺塔院宋呂夷簡監西溪鹽場時嘗手植牡丹一本於此後人思之建思賢亭

溪光亭

廣陵覽古卷四

二十四

在西溪鎮宋仲淹監鹽倉時所建

迎賓亭

同上

避湖亭

同上

奉先亭

同上

迎止亭

在西溪北中洲山上亦范仲淹遺跡

讀書堂

在縣治茅山莊景德寺東廊

宋韓駒題景德寺壁詩藤牀瓦枕快清風破悶文章亦慢
供鄉信未傳霜後雁旅懷生怕晚來鍾淹流已辦三年計
流落應無萬戶封猶有壁間詩句在他時誰爲寫眞容

鑾

按宋天聖中富弼隨父莅任讀書處後韓駒亦嘗寓此
讀書題詩僧壁

聖果院

在縣治東臺場唐貞觀時建

廣陵覽古卷四

二十五

宋范仲淹詩千年人已化三昧語空傳唐世碑猶在高麗
鼓半穿

鑾

按名勝志云院有高麗鼓南唐保大中隨海潮漂至者
漢董永墓

相傳在西溪鎮北一百四十步亦有永父墓
以上東臺縣

廣陵覽古卷四終

男朝生校字